



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 30. Actum de concordia Papam inter & Albæ ducem.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

§. XXX.

Sæcul. XVI.
A.C. 1556.*Actum De concordia Papam inter, & Albæ Ducem.*

Cum Albæ Dux continuato victoriarum cursu Pontificias ditiones emittiretur, nonnulli Cardinales de concordia Papam inter, & Albanum ineunda agere decernebant. Horum sententiæ accesserat quoque Thomas Manrices ex Ordine F. F. Prædicatorum, qui huic concordie initia facturus die decima sexta Septembris a Papa una cum Cardinalis S. Jacobi literis ad Ducem mittebatur, ut ab armis cessandum peteret, donec interea de pace ineunda ageretur: Verum Dux ejusmodi armorum inducias recufabat, eo quod potius propensum ad pacem ostenderet animum, dummodo Pontifex Cardinales a partium studio alienos, quibuscum Cæsaris Legati agere possent, nominare vellet: Igitur Paulus IV. altera etiam die Pacecum, Toletanum, Caraffam, & Rebibam Cardinales seligebat: Dux vero Cæsaris nomine ad colloquii locum destinabat Thomam Manricem unacum Francisco Paceco, qui Duci a secretis, Vir erat moderata indole, atque animos conciliandi dexteritate insignis. Ergo die vigesima Septembris nominati apud Cardinalem S. Jacobi congregantur,

Sæcul. XVI.
A.C. 1556. tur, sequentesque proponunt conditio-
nes. I. Summus Pontifex in amicitiam
redeat cum Philippo Rege; II. cautio-
nem illi det, se nunquam ipsi molestiam
illaturum, nec fœdus contra eum ini-
turum; III. Hispaniæ Regis subditos,
ac ministros, qui erant in custodia, li-
beret; IV. Marcum Antonium Colum-
nam, & Ascanium Corneum in pristi-
num statum, ac dignitates recipiat.

Verum postremus hic articulus mi-
nus arridebat Cardinalibus, quapropter
palam testabantur, quod ex illis nul-
lus ejusmodi rem Pontifici proponere
auderet: Nihilominus Prorex pertina-
citer suo insistebat postulato, & quam-
vis postea conventum esset, quod inter
ipsum, & Cardinalem Caraffam in Mo-
nasterio inter Marinum, & Tusculum
sito, quod Cryptam Ferratam vocant,
colloquium haberetur, Caraffa tamen
non interfuit, quocirca de concordia
haud amplius agebatur, sed belli flam-
mæ pristino furore accendebantur.

§. XXXI.

*Marcus Antonius Columna usque ad
Romanæ urbis portas popula-
bundus excurrens.*

Thuan. l. 17.
524. & 525. Interea Albæ Dux Paliano ad lævam
relicto cum exercitu suo Labicum,
seu Valmontanum contendit; hoc enim
oppi-